

**Diehtobivdda 17.7.2026**

Ohcejoga gielda lea vuostávdán 17.7.2026 diehtobivdaga, man lea ovdanbuktán [REDACTED] (maŋelis dieđubivdi).

Diehtobivdda guoská VALO Partners Asianajotoimisto Oy (maŋelis VALO Partners) Ohcejoga gildii gárvvistan vuojadanhálla sanerenprojeavtta guoski vuoigatvuođalaš čielggadeami, bargogohččosa guoski háhkanmearrádusa sihke VALO Partnersa rehkegiid áigodagas 1.1.2026 - 17.7.2026.

Diehtobivdda lea girjejuvvon eiseválddi doaimma almmolašvuođa birra addojuvvon lága (621/1999, maŋelis almmolašvuođaláhka) mielde diehtobivddan.

**Mearrádus**

Dieđubivdái luohpaduvvojit elektrovnnalaččat diehtobivdaga vuloš háhkanmearrádus sihke rehkegat.

VALO Partners Asianajotoimisto Oy gildii gárvvistan vuoigatvuođalaš čielggadeamis luohpaduvvojit dieđubivdái elektrovnnalaččat almmolaš oasis nu mo dán mearrádusa ákkastallamiin dárkilabbot čilgejuvvo. Čielggadeami luohpadeami ollislaččat ii sáhte dieđubivdái miedihit, dasgo čielggadeapmi sisttisdoallá almmolašvuođalága vuodul čiegus dieđuid maŋelis dán mearrádusas dárkilabbot čilgejuvvon vuodustusaiguin. Čielggadeapmi luohpaduvvo oassásluohpadeapmin almmolašvuođalága 10 § mielde nu, ahte čiegus oasis leat gokčojuvvon.

**Njuolggadusat mat heivehuvvojit**

Almmolašvuođalága 9 § mielde juohkehaččas lea vuoigatvuohta oažžut dieđu eiseválddi áššegirjji, mii lea almmolaš.

Almmolašvuođalága 10 § mielde, jos áššegirji lea belohakkii čiegus, de dieđu galgá addit áššegirji almmolaš oasis, jos dat lea vejolaš nu, ahte čiegus oassi ii boađe dihtui.

Almmolašvuođalága 24 § 1 momeantta 17 čuoggá mielde eiseválddi čiegus áššegirjji leat áššegirjji, mat sisttisdoallet dieđuid gielda dahje eará almmosservoša fitnodatčiegusvuođas dahje eará sullasaš fitnodatdoaimma

guoski áššis, jos dieđu addin dain dagahivččii almmosservošii ekonomalaš vahága, buoridivččii gilvaleaddji doaibmi sajádaga gilvvus dahje heajudivččii almmosservoša vejolašvuodaid govttolaš háhkamiidda dahje investeren-, ruhtadan- ja vealgedikšunordnemiidda.

Almmolašvuodálaga 24 § 1 momeantta 19 čuoggá mielde eiseválddi čiegus áššegirjjit leat dakkárat, maid eiseváldi lea riektegeavvama oassebeallin riektegeavvamii ráhkkaneami várás ráhkadan dahje háhkan, jos dieđu addin áššegirjjis livččii almmosservoša ovdduid vuostá riektegeavvamis.

Almmolašvuodálaga 24 § 1 momeantta 20 čuoggá mielde eiseválddi čiegus áššegirjjit leat áššegirjjit, mat sisttisdoallet dieđuid priváhta fitnodatčiegusvuodas, seamma go dakkár áššegirjjit, mat sisttisdoallet dieđuid eará sullasaš priváhta ealáhusdoaimma guoski áššis, jos dieđu addin dain dagahivččii ealáhusárjeheaddjái ekonomalaš vahága.

#### Ákkastallamat

##### *Čielggadeami oasit, mat luohpaduvvojit*

Dieđubivdáit luohpaduvvojit čielggadeamis almmolaš oasit, mat eai sisttisdoala maŋgelis čilgejuvvon vuodustusaiguin almmolašvuodálaga vuodul čiegus dieđuid.

##### *Čiegus oasit: Almmolašvuodáláhka 24 § 1 mom. 17 čuokkis*

Almmolašvuodálaga 24 § 1 momeantta 17 čuoggá mielde eiseválddi čiegus áššegirjjit leat áššegirjjit, mat sisttisdoallet dieđuid gieldda fitnodatčiegusvuodas, seamma go dakkár áššegirjjit, mat sisttisdoallet dieđuid eará sullasaš fitnodatdoaimma guoski áššis, jos dieđu addin dain dagahivččii gildii ekonomalaš vahága.

Čielggadeapmi sisttisdoallá gieldda fitnodatčiegusvuodas vuollái gullevaš dieđuid, maid almmustahttin sáhtta vahágahttit gieldda ekonomalaččat.

##### *Čiegus oasit: Almmolašvuodáláhka 24 § 1 mom. 19 čuokkis*

Almmolašvuodálaga 24 § 1 momeantta 19 čuoggá mielde eiseválddi čiegus áššegirjjit leat dakkárat, maid eiseváldi lea riektegeavvama oassebeallin riektegeavvamii ráhkkaneami várás ráhkadan dahje háhkan, jos dieđu addin áššegirjjis livččii almmosservoša ovdduid vuostá riektegeavvamis.

Čielggadeamis gieđahallojuvvon gilvalahhtimis lea gieđahallama vuolde váidda hálldahusrievttis. Čielggadeapmi sistsidoallá dáid osiin vuoigatvuođalaš jurddabohtosiid gieldda meannudeamis, maid luohpadeapmi livččii gieldda ovdduid vuostá gažaldatvuloš riektegeavvamis.

*Čiegus oasis: Almmolašvuođaláhka 24 § 1 mom. 20 čuokkis*

Almmolašvuođalága 24 § 1 momeantta 20 čuoggá mielde eiseválddi čiegus áššegirjjit leat áššegirjjit, mat sistsidollet dieđuid priváhta fitnodatčiegusvuođas, jos dieđu addin dain dagahivččii ealáhushárjeheaddjái ekonomalaš vahága.

Čielggadeapmi sistsidoallá agoartabargi Timberg Bygg & Renovering Ab fitnodatčiegusvuođa vuollái gullevaš dieđuid, nugo lassebargofálaldagaidd dárkilis haddedieđuid ja goluid spesifiseremiid. Dákkár dieđuid luohpadeapmi dagahivččii agoartabargái ekonomalaš vahága.

Vuođustus, doaibmaváldi

Hálldahusnjuolggadus § 30 ja 15

Mearrádus lea vuolláičállon elektrovnnalaččat áššehálddašanvuogádagas.

Ruotsalainen Veli-Matti  
Ovddidanhoavda

Vuostáváldi

Dieđubivdi

Diehtun

Gielddaráđdehus

Mearrádus sáddejuvvon 4.8.2026

Váldinvuoigatvuohta

Gielddaráđdehus

---

Nuppástusohcanrávvagat  
VÁIDDAČUJUHUS

Dán mearrádussii ohccojuvvo nuppástus hálddahusváidagiin.

## Váidinvuoigatvuohta

Dán mearrádussii oažžu ohcat nuppástusa dat, geasa mearrádus lea čujuhuvvon dahje gean vuoigatvuhtii, geatnegasvuhtii dahje ovdui mearrádus njuolga váikkuha ja dat, gean váidinvuoigatvuođas lágas sierra áсахuvvo. Eiseváldi oažžu ohcat nuppástusa váidimiin maiddái, jos váidimii lea dárбу almmolaš ovddu dihte, man eiseváldi gohcá.

## Váidináigi

Váidaga galgá dahkat 30 beaivve siste das, go lea ožžon mearrádusa diehtun.

Gehččojuvvo ahte eiseváldái doaimmahuvvon elektrovnnalaš áššebábir lea bohtán áiggil, jus áššebábir bohtá maŋimustá mearreáiggi maŋimus beaivvi áigge. Báberveršuvnna váidagis galgá doaimmahit váiddaeiseváldái maŋimustá váidináiggi maŋimuš beaivve ovdal go váiddaeiseváldi doaimmahat giddejuvvo.

Go geavahuvvo dábálaš elektrovnnalaš diehtunaddin, de gehččojuvvo, ahte áššáiosolaš lea ožžon mearrádusas dieđu, jos ii eará čájehuvvo, goalmát beaivve dieđu sáddemis. Reivepoastan sáddejuvvon dieđuaddima buohta gehččojuvvo, ahte áššáiosolaš lea ožžon mearrádusas dieđu, jos ii eará čájehuvvo, čieža beaivve geažes reivve sáddemis. Gehččojuvvo goittotge, ahte eiseváldi lea ožžon mearrádusas dieđu dan beaivve, go reive lea bohtán.

Diehtunoažžunbeaivi ii lohkkojuvvo váidináigái. Jos váidináiggi maŋimuš beaivi lea bassebeaivi, iehčanasvuođabeaivi, válborebeaivi, juovla- dahje mihcamárruohtta dahje árgalávvardat, de váidaga oažžu dahkat vuosttas árgabeaivve dan maŋŋá.

## Váiddaeiseváldi

Váidda dahkkojuvvo Davvi-Suoma hálddahusriektái.

Váidda hálddahusriektái dahkko vuosttassajis hálddahus- ja sierraduopmostuoluid áššiiddikšunbálvalusas čujuhusas <https://asiointi.oikeus.fi/hallintotuomioistuimet/>.

E-poasta: [pohjois-suomi.hao@oikeus.fi](mailto:pohjois-suomi.hao@oikeus.fi)

Telefonnummir: 029 56 42800

Poastačujuhus: PL 189, 90101 OULU

Uksačujuhus: Torikatu 34-40, 90100 OULU

## Váidaga hápmi ja sisdoallu

Váidaga galgá dahkat čálalaččat ja hálddahusriektái vuosttassajis hálddahus- ja sierraduopmostuoluid áššiiddikšunbálvalusas. Maiddái eará elektrovnnalaš

áššebábir deavdá čálalaš hámi gáibádusa.

Váidagis galgá almmuhit:

- mearrádusa, masa ohcá nuppástusa (váidinvuloš mearrádus);
- man dáfus mearrádussii ohcá nuppástusa ja maid nuppástusaid dasa gáibida (gáibádusat);
- gáibádusaid ákkaid;
- masa váidinvuoigatvuohta vuodđuduvvá, jos váidinvuloš mearrádus ii guoskka váidi.

Váidagis galgá lassin almmuhit váidi nama, persovdnadovddaldaga dahje fitnodat/searvedovddaldaga ja oktavuodadieđuid. Maiddái ruoktogieldda gánneha almmuhit. Jos sátneválldi geavaha váidi lágalaš ovddasteaddji dahje fápmuduvvon olmmoš, de maiddái su oktavuodadieđuid galgá almmuhit. Jos oktavuodadieđut rivdet dalle, go váidda lea biddjojuvvon johtui, galgá dieđuid rievdamis almmuhit hálldahusduopmostullui farggamusat.

Váidagis galgá almmuhit maiddái dan elektrovnnalaš čujuhusa dahje eará čujuhusa, masa riektegeavvama áššegirjiiid sáhtá sáddet (proseassačujuhus). Váidaga dahje eará áššebáhpára doaimmaheapmi hálldahusduopmostuolu elektrovnnalaš áššehasbálvalussii gehččo almmuhussan elektrovnnalaš áššehasbálvalusa geavaheamis proseassačujuhussan. Jos váidi lea almmuhan eambbo go ovttá proseassačujuhusa, de hálldahusduopmostuollu sáhtá válljet, guđemuš almmuhuvvon čujuhussii dat doaimmaha riektegeavvama áššebáhpáriid.

Váidagii galgá laktit:

- váidinvuloš mearrádusa ja váiddačujuhusa;
- čielggadusa das, goas váidi lea ožžon mearrádusa diehtun dahje eará čielggadusa váidináiggi álginbeaivvis;
- áššebáhpáriid, maid váidi geavaha gáibádusaidis doarjjan, jos dat eai leat juo ovdal doaimmahuvvon virgeoapmahažžii.

Riektegeavvanmáksu

Das, gii bidjá nuppástusohcanášši johtui, berrojuvvo riektegeavvanmáksu dan mielde, mii duopmostuollomáksolágas (tuomioistuinmaksulaki) (1455/2015) ásahuvvo. Diehtu riektegeavvanmávssuin gávdno Duopmostuollolágádusa (Tuomioistuinlaitos) siidduin.

Beavdegirji

Lassedieđuid mearrádusas sáhtá bivdit Ohcejoga gieldda girjenkantuvrras.

Poastačujuhus: PL 41, 99980 Utsjoki  
Uksačujuhus: Luossa 1 a, 99980 Ohcejohka  
E-poastačujuhus: [kunnanvirasto@utsjoki.fi](mailto:kunnanvirasto@utsjoki.fi)

Gielddadállu lea rabas vuossárggas gaskavahkkui dmu 9.00-15.00.

